

**Pulga Jaan: Eestist tulõ vällä arvada  
katõ Piirissaarõ jago maad**


Kae lk 2

**2017. aastaga  
horoskoop**

Kae lk 3

**Ruitlanõ: vot seo om  
kultuurikonflikt!**

Kae lk 4



## Rahvas võitlõs Rõugõ nime iist

HARJU ÜLLE  
ylle@umaleht.ee

**27 inemist Rõugõ kihlkunnast, Missost ja Mehka-  
maalt saadi 29. joulukuu  
pääväl valitsusolõ põhjõn-  
duskirä, mille ei passi näi-  
de vahtsõ suurõ kodovalla  
nimes volikogodõ valitu  
Haanimaa vald.**

«Om jäänü läbi märkmä-  
dä ja rahva käest arvaminõ  
küsümädä, miä saa, ku panda  
väiku veerepäälse maanuka  
nimi suurõlõ vallalõ,» kiroti  
inemise. «Ei olõ rehkenet  
ka kotussõnimenõvvokogo  
arvamisõga, et väiku maa-ala  
aoluulinõ nimi ei passi suurõm-  
balõ umavalitsusolõ.»

«Kas Paganamaa ja Mehka-  
maa omma nüüt kah Haani-  
maa?» olf murrõn üts valitsu-  
sõlõ kirotaja, turismiettevõtja  
Pihõ Aigar. «Kas nüüt jääs  
üts väikumb Haanimaa suurõ  
Haanimaa sisse vai piät nak-  
kama otsma vahtsõt nimme  
umalõ Haanimaa vanalõ  
kultuuriruumilõ?»

Haanimaa om uma kimmäs  
kant Haani luuduspargi seen  
(tsaariaignõ Haani ja Saalusõ  
vald, mitte parhillanõ Haani

vald). Haanimaa ettevõtmiisi  
vidä haanimiichi nõvvokoda.

Valitsusolõ kirotanu inemise  
omma murrõn, et vahtsõ valla  
nimi sündü päävõpoliitilidsõ  
otsussõ perrä: volikogo olli  
tuud miilt, et ku viis valda lää-  
vä kokko, ei tohe üts noist saia  
nii nimme ku ka vallakeskust  
(tuus saa Rõugõ).

«Õigõaigsõ ütteminemise  
lepingu pandis tuudi aoluulidsõ  
kihlkunna nimi,» ütli kiräkiro-  
taja, kelle meelest pasnu vahtsõ  
valla nimes Rõugõ vald.

«74% vahtsõ umavalitsusõ  
inemiisist eläs Rõugõ kihlkunna  
maa pääl,» kiroti nä valitsusolõ.  
Vahtsõt vallast 61% om Rõugõ  
kihlkunna maa. Haanimaa om  
vahtsõt vallast õnnõ 15%.

Ka kotussõnimenõvvokogo  
arvas, et taa valla nimes olnu  
kõgõ parõmb Rõugõ vald.

Valitsusolõ saadõdu kirä  
ala omma kirotanu mitmõ  
külävanõmba, ettevõtja ja  
kultuurielõ vidäjä.

Ku valitsus löid, et Haani-  
maa valla nimi ei passi vaht-  
sõlõ vallalõ, sis saat tä nime-  
küsümäse tagasi Rõugõ, Haani,  
Varstu, Mõnistõ ja Misso  
vallalõ, et kõik volikogo vahtsõ  
nime-otsussõ teesi.



MÜRSEPÄ TUULE PILT

Hää Vana-Võromaa rahvas! Saisami ütenukun seo aastak nii kimmähe, nigu sais mi kõgõ vanõmb ja kimmämb puu Tammõ-  
Lauri tamm Urvastõn. Jõudu ja väke vastapidämises seol keerolidsõl aol! Ka kõgõ pummembäl üül paistus koskilt valgus.

## Hääd vahtsõt aastakka!

UMA LEHE TOIMÕNDUS

## Kanepi lauluselts tekki perrä 1869. aastast peri laulupidolipu

HARJU ÜLLE  
ylle@umaleht.ee

**29. joulukuu pääväl peeti  
Kanepi seldsimajan lipu-  
pito – valmis sai koopia  
147 aastakka vanast Kan-  
nepi Laulu Seldsi lipust.**

Seldsirahvas laul lipu avvus  
üten Kanepi segäkooriga «Kan-  
nepi hümnü», Eesti edimädses  
laulupidos tettüst lipust kõnõf  
aoluulanõ Hirvlaanõ Milvi.

Lauluseldsi esimiis, ettevõtja  
Lina Kalmer ütelf, et kukki  
vana lipp om Eesti tiatri- ja  
muusigamuusõumin olõman ja  
pronksist lüüra kujoga lipuots  
kingiti seltsile kah tagasi, lää-  
s lipu perrätegemine laapsahe.

«Rahha nii pallo es lääki,  
a jandamist olf hulga,» selef  
Lina Kalmer. «Hädä naas  
pääle tuust, et muusõum om  
vanaliinan, a ladu, kon lippu  
hoitas, tõsõl puul Talna liina.  
Kõgõpääl es mahu säääl laon  
suurõst lipust pilti tegemä ja  
lipu pidi vanaliina sõidutama.  
Digipildi puhastaminõ olf kah  
paras vaiv: lipp om peris räpäl,  
säääl om jo terve aolugu pääl.»

Kanepi seldsimaja juhataja  
Jalasõ Marju kõnõf, et pääl  
pildipuhastamist naati ütenu-

kuun nuputama, mändse võisi  
olla õigõ lipuvärvi. «Vana  
lipu värvi omma väega är  
mustõnu,» kõnõf Jalasõ Marju.  
«Selge olf, et omma iks Liivi-  
maa värvi: verrev, rohilinõ  
ja valgõ. No verrev lipuviir  
olf lannü aoga tävveste jälles  
muavärvi. Peräkõrd sai lipu  
digitalisiiirjale üteldüs, et võtku  
veere värv lipu keskelt tuu lindi  
päält, millega kanepipunt kinni  
om kõüdetü.»

Lipuotsast 3D-printeriga  
plastmasskoopia tegemist võtf  
iist lauluseldsi juhatusõ liigõ,  
ettevõtja Vahtramäe Meelis.  
Paikligu puutüümehõ avidi  
lipuvarrõ parras tetä.

Lina Kalmer kõnõf, et ku tä  
naas lippu varrõ otsa pruuvma,  
sis tull vällä, et lipp es lääki ja  
tull vabrikuhe tagasi viiä, et  
lipukarman parras tetä.

«Ma olõ väega õnnõlik, et taa  
vanaaignõ lipp om no meil olõ-  
man,» ütelf lauluseldsi auliigõ,  
aoluulanõ Hirvlaanõ Milvi,  
kelle tiidmiisi toel laulurahvas  
liputegemise ette võtsõ.

Milvi kõnõf, et mõtõ lipp  
perrä tetä sündü 2015. aastaga  
suvõ lõpun, ku tutva naanõ  
Lilli Ülle käve tälle näütämän  
lipuotsa üten lipunõõriga, mille

olf löüdnü kokkosadanu aida  
alt.

«Mu süä hüpäs kõrraga lak-  
kõ, et taa om jo mi laulupido-

lipu ots,» selef Milvi. «Mul  
om väega hää miil, et Lilli  
Ülle otsust tuu lauluseltsile är  
kinki.»

Kanepi Laulu Seldsi villat-  
sõt rõivast lipp olf esieräline  
jõba seldsi luumisõ aigu aastal  
1869.

Ku laulukoori tuul aastal  
edimäste laulupitto sõidi, sis  
es saa inämbüs hindäle lippu  
lupa.

«A laulupidokomisjon pand  
härksämbile mõisnigõlõ ette,  
et las mõis kink lipu. Kanepi  
miihikoorigõ kinge lipu Koo-  
rastõ mõisa Ungern-Stern-  
bergi,» selef Hirvlaanõ Milvi  
lipu saamisõ luku. «Mõisnigu  
tütar Marie olf kunstnik, timä  
maalsõ lipu pääle aastaarvu  
1819, 1869 ja Kannepi Laulo  
Selts.»

147aastanõ Kanepi Laulu  
Selts om Vana-Võromaa kõgõ  
vanõmb selts.

Koorilaul sündü Kanepin  
aastal 1804, ku pastor Johann  
Philipp von Roth lei säääl Eesti  
edimädsõ (poissõ) kihlkun-  
nakooli. Tuu mano tetti nii  
poissõ- ku miihikuur. Miihi-  
koorigõ laulja olli päämidself  
küläkuulmeistre.

Kohe Kanepi laulurahvas  
taa perrätettü lipuga lätt?

«Taa om nii auväärne lipp,  
et 2019. aasta üldlaulupidolõ  
läämi taaga kindmähe,» arvas  
Kanepi segäkoorigõ vanõmb  
Kottisse Vaike. «Segäkoorigõ  
om kül uma lipp kah, vast  
võtami mõlõmba ütenu.»



HARJU ÜLLE PILT

Liputegemise iistvõtja Kanepi Laulu Seltsist (kuralt) Lina Kalmer, Hirvlaanõ Milvi, Kottisse  
Vaike, Jalasõ Marju, Adamsoni Heli ja Vahtramäe Meelis. Lipu pääle om kirotõt «1819»  
(perisorjusõ kaotaminõ Liivimaal), «1869» (50 aastat priiust ja edimäne laulupido), «Kan-  
nepi Laulo Selts» ja maalitu kanõbipunt.







# Horoskoop 2017. aastagas

Katõtõistkümnelle tähemärgile kuulutas laelambi abiga vahtsõs aastat tüü-, raha-, armastus- ja ilmaõnnõ Eesti kõgõ vähämb tunnõt tähetark **KALDMANI HEDI (36)**.



## Oinas 21.03.–20.04.

**Tüü.** Vannost sisscharinuist tegemiisist om sul peris viländ, tulõ löüdä midägi vahtsõt ja kontorilõ värskimbät luhvti laskõ. Võit näütuses osta kaktusõ ja tuu aknõlavva pääle kükädä.

**Raha.** Vana aastaga raharaiskamisõ kõvõrat tiid massa ei edesi minnä. 2017. om rahakorjamisõs, et aasta lõpun saanu kinki umalõ perrele üte vällämaareisi vai puhkusõ viikeskusõn.

**Armastus.** Marsi ja Veenusõ ruut tuu armuello vahtsit tuuli, a Oinas piät aasta alostusõn sarvõ maaha juuskma, et peränpoolõ saanu armastusõ villä mekki.

**Ilm.** Jaanipäävä tuiskas ja jõulu aigu paistus päiv.



## Pull 21.04.–20.05.

**Tüü.** Om aig tõmmada otsa kokko mõnõl pikembät aigu tet-tül ütitsel tüül. Otsi hindäle kotus, kon sinno inämb oodõtas. Lövvä üles tuu, midä periselt tetä tahat.

**Raha.** Marss om ette valmistanu kesä raha päälekülbmises, a kae ette – kõik, miä helkäs, olõ-i viil kuld.

**Armastus.** Pähäkääntävüs või armuelolõ kehväste mõoda. Hoia ummil tegemiisil silmä pääl. Pullil olõs aig kõrras asjo kaia ka läbi lehmä silmi. Ütsik Pull piät häräl sarvist haardma ja esi edimäde sammu astma.

**Ilm.** Ilm om halv nii jaanipäävä ku jõulu aigu.




## Katsigu 21.05.–21.06.

**Tüü.** Olõt uma kihäga hulga vaiva nännü, no olõs aig tetä tüüd ka uma hengega. Opi midägi vahtsõt selges, tuu avitas ka tüü man kimmäst tsihti hoita.

**Raha.** 2017. aastak olõ-i Katsikilõ raha mõttõn hää. Piä meelen, et raha kasus puu otsan õnnõ Ulfõmaal. Sul om vaia tarvita mutso, et hinnäst korgõmba orrõ pääle istma saia.

**Armastus.** Veenus om suvõ aos liiknu Katsikidõ tähtkujjo ja elo või paistu väega roosilinõ. A kae ette: roosi võiva ka tsusada. Vast olõs targõmb löüdä hindäle hoobis mõni tasalikumb ja rahulikumb lillikene.

**Ilm.** Jaanipäävä paistus päiv, jõulu aigu satas lakju lumõhelbiid.



## Vähk 22.06.–22.07.

**Tüü.** Om aig naada tõsitsõmbalt uma tüü pääle märgotama. Inneskiidsil aastil es olõ sa kümne küüdsega tüün kinni ja tuud tulõs no muuta. Om aig inämb ütten lüvvä ka kogokunna tegemiisin.

**Raha.** Minevä aastak käket kokkokraabidu raha kivi ala, no om aig toolõ päävapaistõt näüdädä. Mahlakuun võit tsipa kuluta ka hindä hääs. A minku-i tuuga väega huugu, kae iks, et kivialonõ peris tühäs es jäänü.

**Armastus.** Olõt uma perre iist häste hoolõn olnu – lasõ niisama edesi. Ütsigu henge võiva timahava kokko saia hindäsvugumaidisiga. Hoia siski silm selge ja lasku ei täl hinnäst tävveligult uma meeale ala tsurmi.

**Ilm.** Jaanipäävä ilm pilviskelles, a om kuiv, jõulu aol om teic pääl musta ijä oht.



## Lövi 23.07.–22.08.

**Tüü.** Suur tüükuurma om mõotanu su läbisaamist ligembide inemiisiga. Om aig säädi asjo tähtsüse perrä ümbre. Tulnu kõrras ka aig maaha võtta, et kätte löüdä tuu, misjaos sa taha ilma olõt tulnu.

**Raha.** Näütäs nii, et aastagal om sullõ pakku hulk haltuurasit. A piä meelen, et massuammõt või su tegemiisi vasta huvvi üles näütämä naada.

**Armastus.** Marss om mängnü su armuelo pääl vingõrpussi ja muutnu tuu väega sõakas, a vahtsõl aastal om aig sõakirvõs maaha matta. Kõkkõ saa kõrda ajja ka inemiisiga kõnõldõn. Ütsigu Lövi löüdvä joba aasta alostusõn hindäväärilidse vastadsõ nii elon ku armastusõn.

**Ilm.** Nii jaanipäävä ku jõulu aigu om halv suusailm.



## Neitsü 23.08.–22.09.

**Tüü.** Tüüga kõudetüisi asjo edesiminekis om tähti sais väega hää, a õnnõ sis, ku olõt esi nõun ummi kässiga tüüd tegemä ja vaiva nägemä. Nika ku 17. süükskuuni piät tüü kõrval ka huulsalõ tervusel silmä pääl pidämä.

**Raha.** Tulõval aastagal lasõt rahha hoolõga tuuldõ linnada ja aasta edimädsel poolõl mass tuu sullõ rassõlõ kätte. Aasta lõpupoolõn om uuta suurõmbat rahalaiva, a tuujaos piät saama terve aasta kaptõniga häste läbi.

**Armastus.** Kas sa usut kah, et su sais armastusõn om tävveste luutusõlda? Päälenakkaja kikka-aasta tuu sullõ häid sõnomit. Ümbre su tsõõritas mitu kannu, a tuu ainumadsõ ja õigõ võit löüdä hoobiski uutmalda paigast. Perrerahvas või uuta vahtsit tibusit.

**Ilm.** Jaanipäävä satas ja jõulu aigu satas kah.



## Kaalu 23.09.–23.10.

**Tüü.** Mõtlõ tüü tegemises vahtsit viise vällä. Su vana süstemil võidas är lahku ja piät kipõstõ vahtsõt muudu toimõ saama. Joba aastaga alostusõn om hää aig tüüpaiga kõrdategemises.

**Raha.** Pluuto paistus häste õnnõmängo-õnnõ pääle. 25. süükskuul võinu osta hindäle lotopiledi, om võimalus võita suurõmb summa rahha.

**Armastus.** Noil, kinkal õnnõmängun vidä, omma armastusõn kehvä luu. Piät olõma esieränis hoolõn ja ei või laskõ väiksil vipõruisil hinnäst rüüpäst vällä viiä. Ku su ello tulõ vahtsõnõ inemine, opi tedä inne kõrraligult tundma, muido võit õnnõtusõ sisse trehvädä.

**Ilm.** Jaanipäävä külmetäs ja jõulu aigu satas lummõ.




## Skorpion 24.10.–22.11.

**Tüü.** Tuu tüü asõmõl, midä sa hää hoolõga tennü olõt, võiva tulla vahtsõ välläkutsõ. Peläku ei vahtsõt elon, lasõ täl hinnäst hääst külest näüdädä.

**Raha.** Rahasais om kõik aig üttemuudu.

**Armastus.** Su armuelo käänd hinnäst pää pääle. Piät esi hindä scen rahulikis jäämä, et olõkõrraga toimõ saia. Saman saat tunda midägi vahtsõt ja ilosat.

**Ilm.** Ilm om hää nii jaani- ku jõulu aol.



## Vibumiis 23.11.–21.12.

**Tüü.** Tüüga kõüdedü tahtmisõ ei piä tõtõs saama. Mõtlõ kastist välläpoolõ, vast om elol sullõ pakku tegemist hoobis tõõsõn paigan.

**Raha.** Kiä ei tüütä, tuu ei süü.

**Armastus.** Vana tundõ jätä vanna aastahe ja lasõ vahtsil tuulil puhku. Otsi ummi armunuuli jaos vahtsit märklaudu.

**Ilm.** Tormituulõ puhkva nii suvõl ku talvõl.



## Kivikits 22.12.–20.01.

**Tüü.** Tüü man kae veidükese ette, mis juttu suust vällä ajat. Ku olõt joba hulk aastit samma tüüd tennü, võit mõtlõda välläteenidü puhkusõ pääle.

**Raha.** Elo om lühkü, a raha pikk. A ku tahat, võit seo ütlemise ümbre kah käändä.

**Armastus.** Anna umalõ armuelolõ maiku mano, näütuses löüdke ütenukun mõni põnnõv hobi. Ku olõt ütsik, kae hindäle mõnõ vahtsõ põnõva tegemise, äkki lövvät tuu mant uma õigõ armastusõ.

**Ilm.** Ku aasta alostusõn hoolõga pallõt, saat nii jaanipääväs ku jõulus säändse ilma, määnest tahat.




## Viikaldaja 21.01.–19.02.

**Tüü.** Tüüseldsilise omma sinno jupp aigu asalda kehvas pidänü, a satat näile timahava üllätüse pakku. A Jupiter olõ-i jõuluvana – et saia parõmbat tulõmit, piät ka hulga vaiva nägemä.

**Raha.** Rahha om.

**Armastus.** Sa valat tõisi armastusõga üle, a sullõ või jäää tunnõ, et saa ei midägi vasta. Olõ kannatlik, pikameelne, aasta lõpus lövvät hindäle tuu õigõ.

**Ilm.** Terve aastak vala nigu uavarrõst.



## Kala 20.02.–20.03.

**Tüü.** Olõ valla kõikilõ pakmiisilõ. Võit löüdä vahtsõ tüü, miä om sullõ periselt mokkapite.

**Raha.** Kevjä paiku või olla rahaga kitsas käen, a massa-i miilt hiitä, kül kõik laabus.

**Armastus.** Olõt perämädsel aol ülearvo närvin. Massa-i otsi süüd tõisin, kae hindä sisse. Om hää aig andispallõmisõs. Ütsik kala om õnnõ ütts tiigin tsuklõjst kallost. Muuda hinnäst esierälidse ja paistu silmä.

**Ilm.** Jaanipäävä ja jõulu aigu om pini-ilm.



# Lunt eederi vasta

**OLESKI VILLEM**  
Võro liin

Seo lugu oll vana raha aigu. Eeder ja hansa olliva sis väegä tähtsä roho. Eederit juudi egäsugutsidõ haiguisi vasta – eeder pidi «otsma» haigõ kotussõ üles. Eederikaupmehe tõiva tedä Lätist ja Vennemaalt. Müüdi hõlma alt hinnaga 25 ruublitt potska iist.

Mu imä trehväs alõvih poodih kokko Järve Ellaga. Sääll oll ka nafamiis-viinanõna Juss.

Juss kutsõ naasõ kõrvälõ, näüdäs näile cederipotskat. Naasõ muidogi küssävä: «Kost sait?» «Ostkõ mullõ paar pudõlit õlt, sis kuulõti!» muias miis.

Naasõ ostsõva õllõ är. Juss nakaš tähtsält kõnõlõma: «Punanõ Rist alosf häätegevüst Tšiberi vangidõlõ. Nigu tiidä, sääll om talvõl väega külm. Tuuperäst kofatas incmiisi käest kokko luntõ (kõrvuga karvamüts). Oga lundit iist saati potska cederit. Näcti, mul om kah lundit asõmõl suusamüts



KOHA PRIIDU TSEHKENDÜS

pääh. Ütte asja pedäge meeleh, et ti kellelegi ei kõssa: cederit om vähä, võiti ilma jäiä!»

Naasõ sõitsõva bussiga kodo. Järve Ella kofas kokko neli luntõ – kadonu mehe ja poja ummi – ja pandsõ padapüüri sisse.

Järgmidse hummogu sõit Järve Ella bussiga alevilõ ja läts apteeki. Sääll nakaš tä luntõ leti päälõ pandma. «Mul om näid neli tükkü. Pallõsi neli potskat cederit.»

«Ullis olõt lannü vai? Korista uma haisva kraam ja kasi

vällä!» rüuke apteekri.

Ildampa saiva naasõ kokko. Järve Ella kõnõf imäle uma äpärõdünü cederistmütsõ är ja küsse: «Kas sa kah kävet cederit otsmah?» «Mul es olõ lissnasi luntõ.» ütөл imä naaru kinni pidädeh.

# Seo om kultuurikonflikt!

Loi Öhtulehest kurba uudist, et Lõuna-Aafriiga Vabariigin saiva kolm velle armõtulõ hukka. Velekeisil oll hädä magamistarõn toimõtõlmisõga. Uma kandi ravitsõja soovit näile hädä kõrdasaamisõs imädse krokodilliga sugulidõsõlt läbi kävvü.



**RUITLASÕ OLAVI,**  
õdagumaa miis

Kõlas nigu jutt raamadusafast «Saa rahva luu». A seokõrd oll asi muinasjutust kavvõl – mehekese lätsivägi jõõ viirde krokodillilõ ettepanõkit tegemä.

Imätsel krokodillil es paistuki edimält midägi vellekeisiga hullamisõ vasta olõma, a tõsil krokodillil visas üle. Vai mis tõõnäolidsõmb, näil tekkü mehekeseiga kultuurilõ konflikt. Kiäki täpsele ei tiia, kuis luu periselt olli, a katõ mehe koolnu kihä leüti säältsamast jõõ perve päält, kolmanda olliva krokodilli tuus hetkes joba tävveste är söönü.

Om nigu Darwini avvohinda väärt nalfalugu vai sis jälki hummogu- ja õdagumaa vahelidsõ konfliktit ehtsä näüdüs. Nii või minnä, ku sa läät võõrahe elokeskkunda keppi küsümä ja ei rehkenä tuu elopaiga ummamuudu näo, kombidõ ja kultuuriperändiga.

Sa võit uman pään mõtõlda,

et annat ka krokodillele võimalusõ, a ku krokodill su plaanist arvo ei saa, ei pruugi asi ülele vai tõsõlõ osapoolõlõ ilosalõ lõppõ.

Õdagumaa om egäsugumast esi sorti õiguslust. Võrd-, nais- ja nii edesi õiguslusõ. Tan om pinil rohkõmb õiguisi ku külävanõmbal sääll palmi all. Seol maal om ütiskund kimmäle krokodilli puult, selle et partnõrit hinnatas tan rohkõmb sisemidse ku välimädse ilo poolõst. Krokodill om nunnu. Ja sa, sisserändäjä, ei taha ausõna teedä, mis ütiskund sust arvama nakkas, ku sa külä nõid sinno saismisõ-hätiga panda vai kodojanesse mano piäs saatma!

Nii et, võõramaa miis, inne ku sa tan elämislupa küsüt, tii hindäle seo nuka kombõ selges. Tan ei olõ midägi keerolist: laulupido, regivarss, alleaa, Toomõ Koit, verivorst ja hapnõ kapsta.

Ja ku iks ei saisa, ei torma õdagumaa inemine, cestlänne vai suumlanõ, nõid Nastja mano, a kõõpäält võtt pudõli viina ja pruuv krokodilli ilosambas juuva. Ku tuu millegiperäst ei avida, sõs mindäs perretohtri mano ja säält edesi apteeki Viagra perrä.

# Latsilõ

Latsinuka toimõndaja:  
**Fastrõ Mariko,**  
tel 56 213 177

Latsinuka tugõja:  
Eesti Kultuurkapitali  
Võrumaa ekspertgrupp



Kae' pilti ja vali' sulgõ seest vällä õigõ vastus!

Om (talv, suvi). Mõtsast om (lille, sammõld, puid) joba maaha lõigat ja perrä om jäänü hulga (kandõ, kannõ, halgõ). Mõtsa om tulnu (üts, kats, kolm) traktorit. Traktori (siiva', jälle', korstna') jääse' maa päälõ, selle et maa om (muano, kivine, puunõ). Suur mõtsatraktor nõst (edekäro, peräkäro, hobõsõkäro) päälõ (ossa', palgi', võsa'). (Jämme, peenükese, väiku) traktori päälõ viskas miis küttepuu'. Palgist lõikas miis (tooli', lavva', pingi') ja tege noist (majalõ, uibulõ, autulõ) vahtsõ vuudri. Küttepuu' lahk miis är, pand halu' (virna, kihti, riita) ja kütt noidõga (ahju, pliiti, kaminat vai sanna).



Joonist' SAARÕ HINDRIK (7)

# Tossu Tilda pajatusõ

## Kotus vahtsõ ordõni jaos

Läbi saanu aasta lõpun kõnõldi jäl üle pikä ao Brežnevist, kiä olõs 110aastadsõs saanu. Tuu umaaignõ riigimäis eläs anõkduutõ kaudu täambädseni rahva mälun. Elo esi tekü noid anõkduutõ mano.

Lugu juhtu 1976. aastal, ku *dorogoi* Leonid Iljitš 70. sünnüpäivä pidi. Ku ausa olla, sis oll tä joba põdurakõnõ. Rajoonilehile saadõti Talfast piraka metallklišee pildi trük-

mises. A hummogu, ku leht oll trükitü, näimi, et esäkese kuhti pääl oll valgõ tsõõrik plekk. Trükütchniline aps. Kuis tuud parteikomiteele är selletä?

Naistõrahvas, kes lehte kokko pand ja aolche vällänagemise iist vastust kandõ, oll tunnõt lõvvapoolik. Tä ütөл maru rahuligult: «Ütle mi, et taa om kotus vahtsõ ordõni jaos.»

A es olõki vaia midägi selectä. Päiv ildamba tull sõnnom, et suurõ juubõli puhul sai riigiesä rõnda järekõrdsõ kangõlasõ kuldtähe.

Hää klassijuhataja  
**PARKERI KAJA**  
elät edesi mi meelen  
Osula kooli 2014. aasta lõpõtaja

**Telli Uma Leht Võromaalt peri sõbralõ, tutvalõ vai sugulasõilõ!**  
6 kuud – 6 €, 12 kuud – 12 €, vällämaalõ: 43–46€  
Telli saa tel 78 22 221 vai info@umaleht.ee

Võrokiilse multika', kildamängõ' ja memoriini' latsilõ: [wi.werro.ee/lastekas/](http://wi.werro.ee/lastekas/)

«Vahtsõmbat Võromaalt!»  
Vikerraadion egä neläpäävä kell 17.05!

